

14 հուլիսի 2015 թ.

N 455-Ն

ք. Ստեփանակերտ

**ԼԵՌՆԱՅԻՆ ՂԱՐԱՔԱՂԻ ՀԱՆՐԱՊԵՏՈՒԹՅԱՆ ՄԱՐՏՈՒՆՈՒ ՇՐՋԱՆԻ
ՄԻ ՇԱՐՔ ՀԱՄԱՅՆՔՆԵՐՈՒՄ ԲԱԶՄԱՄՅԱ ԽՈՏԱԲՈՒՅՍԵՐԻ
ՄՇԱԿՈՒԹՅԱՆ 2015 ԹՎԱԿԱՆԻ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով «Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածը՝ Լեռնային Ղարաբաղի Հանրապետության կառավարությունը **ո ր ո շ ու մ է.**

1. Հաստատել Լեռնային Ղարաբաղի Հանրապետության Մարտունու շրջանի մի շարք համայնքներում բազմամյա խոտաբույսերի մշակության 2015 թվականի ծրագիրը (այսուհետ՝ Ծրագիր)՝ համաձայն հավելվածի:

2. Սահմանել, որ՝

1) Ծրագրի կատարման հսկողությունը վերապահվում է Լեռնային Ղարաբաղի Հանրապետության գյուղատնտեսության նախարարությանը.

2) Ծրագրի շրջանակներում իրականացվող միջոցառումների պատասխանատու է հանդիսանում Լեռնային Ղարաբաղի Հանրապետության Մարտունու շրջանի վարչակազմը.

3) Լեռնային Ղարաբաղի Հանրապետության Մարտունու շրջանի վարչակազմը եռամսյակային հաշվետվություն է ներկայացնում Լեռնային Ղարաբաղի Հանրապետության գյուղատնտեսության նախարարություն՝ սույն Ծրագրի շրջանակներում իրականացված միջոցառումների մասին.

4) Լեռնային Ղարաբաղի Հանրապետության գյուղատնտեսության նախարարությունը տնտեսական տարին ավարտելուց հետո՝ եռամսյա ժամկետում, Լեռնային Ղարաբաղի Հանրապետության կառավարություն է ներկայացնում հաշվետվություն՝ կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

**ԼԵՌՆԱՅԻՆ ՂԱՐԱՔԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ**

Ա. ՀԱՐՈՒԹՅՈՒՆՅԱՆ

Հավելված
Լեռնային Ղարաբաղի
Հանրապետության կառավարության
2015 թվականի հուլիսի 14-ի
N 455-Ն որոշման

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ**

Ծ Ր Ա Գ Ի Ր

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՄԱՐՏՈՒՆՈՒ
ՇՐՋԱՆԻ ՄԻ ՇԱՐՔ ՀԱՄԱՅՆՔՆԵՐՈՒՄ ԲԱԶՄԱՄՅԱ ԽՈՏԱԲՈՒՅՍԵՐԻ
ՄՇԱԿՈՒԹՅԱՆ 2015 ԹՎԱԿԱՆԻ**

ՍՏԵՓԱՆԱԿԵՐՏ - 2015 ԹՎԱԿԱՆ

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ

- I. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ
- II. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ
- III. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

ՆԵՐԱԾՈՒԹՅՈՒՆ

Լեոնային Ղարաբաղի Հանրապետության Մարտունու շրջանի մի շարք համայնքներում բազմամյա խոտաբույսերի մշակության 2015 թվականի ծրագրով (այսուհետ՝ Ծրագիր) նախատեսվում է միջոցառումներ իրականացնել Բերդաշեն, Գիշի, Եմիշճան, Զարդանաշեն, Խնուշինակ, Կարմիր Շուկա, Կոլխոզաշեն, Ճարտար, Մաճկալաշեն, Շեխեր, Ջիվանի, Սարգսաշեն, Սոս, Սպիտակաշեն, Վարանդա, Քարահունջ և Քերթ համայնքներում, որոնց հեռավորությունը մայրաքաղաք Ստեփանակերտից տատանվում է 29-55 կիլոմետրի սահմաններում, իսկ Մարտունի շրջկենտրոնից՝ 10-47 կիլոմետրի սահմաններում:

Մարտունու շրջանի համաչափ զարգացումը մեծապես պայմանավորված է համայնքների գյուղատնտեսության զարգացմամբ, քանի որ ներկայումս և տեսանելի հեռանկարում շրջանի բնակչության մեծ մասի կենսամակարդակի բարձրացման աղբյուր են լինելու այն եկամուտները, որոնք ստացվում են գյուղատնտեսական արտադրությունից և գյուղատնտեսության բնագավառում վարձու աշխատանքից՝ հաշվի առնելով շրջանում առկա հողային, աշխատանքային, տեխնիկական ռեսուրսների առկայությունը:

Սույն Ծրագրով ներկայացվում են Մարտունու շրջանի մի շարք համայնքներում բազմամյա խոտաբույսերի մշակության 2015 թվականին իրականացվելիք միջոցառումները և ակնկալվող արդյունքները:

I. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

Նպատակը.

Վերջին տարիների բնակլիմայական անբարենպաստ պայմանները բացասաբար են անդրադարձել շրջանի բնական կերահանդակների՝ արոտավայրերի ու խոտհարքների բերքատվության վրա, ինչը կարող է հետագայում խնդիրներ առաջացնել անասունների կերակրման առումով՝ ազդելով կենդանիների մթերատվության վրա:

Հաշվի առնելով գյուղատնտեսության համախառն արտադրանքում անասնաբուծության ճյուղի տեսակարար կշռի ավելացման անհրաժեշտությունը, անասնազխաքանակի աճի միտումները և դրանով պայմանավորված անասնակերի բազայի կայունացման կարևորությունը, ինչպես նաև հողերի արդյունավետ օգտագործման անհրաժեշտությունը, առաջարկվում է շրջանում առկա բազմամյա խոտաբույսերի մշակության համար պիտանի տարածքները դնել կորնզանի մշակության տակ:

Սույն Ծրագրի հիմնական նպատակն է Լեոնային Ղարաբաղի Հանրապետության Մարտունու շրջանի մի շարք համայնքներում կերային կայուն բազայի ստեղծումը՝ հաշվի առնելով անասնաբուծության զարգացման դրական առաջընթացը:

Խնդիրները.

- 1) համայնքներում գյուղատնտեսության ճյուղերի համաչափ զարգացման համար անհրաժեշտ պայմանների ստեղծում.
- 2) կերարտադրության և անասնաբուծության զարգացման համար նպաստավոր պայմանների ստեղծում.
- 3) առկա գյուղատնտեսական նշանակության հողերի լիարժեք օգտագործման և հողերի վիճակի բարելավման համար հնարավորությունների ստեղծում:

II. ԾՐԱԳՐԻ ԻՐԱԿԱՆԱՑՄԱՆՆ ՈՒՂՂՎԱԾ ՄԻՋՈՑԱՌՈՒՄՆԵՐԸ

Մարտունու շրջանի մի շարք համայնքներում կատարած ուսումնասիրությունները ցույց են տալիս, որ համայնքներում կերարտադրության և անասնաբուծության զարգացման համար, առաջնահերթ, անհրաժեշտ է իրականացնել կերային բազմամյա խոտաբույսերի մշակություն (կորնզան):

Բազմամյա կերային մշակաբույսերի տարածքների ընդլայնումը կարևորվում է ինչպես անասունների համար կերային բազայի ապահովման, այնպես էլ վարելահողերի կառուցվածքի բարելավման տեսանկյունից: Ծրագրով նախատեսվում է բազմամյա խոտաբույսերի 220 հեկտար տարածքի մշակության համար հատկացնել 6 930 000 ՀՀ դրամ: Նշված ֆինանսական միջոցները կտրամադրվեն բազմամյա խոտաբույսերի տակ նախատեսված տարածքների մշակության համար (դիզվառելիքի ձեռքբերում) անհատույց՝ շրջանի վարչակազմի կողմից ներկայացված համապատասխան հայտի հիման վրա Լեռնային Ղարաբաղի Հանրապետության գյուղատնտեսության նախարարության կողմից 2015 թվականի պետական բյուջեով «Ենթաշրջանային ծրագրերի իրականացում» միջոցառմամբ նախատեսված միջոցներից, իսկ համապատասխան քանակությամբ սերմացուն հողօգտագործողներին կտրամադրվի Լեռնային Ղարաբաղի Հանրապետությունում կերարտադրության և անասնաբուծության զարգացման 2015-2017 թվականների ծրագրի շրջանակներում:

Ծրագրի իրագործման համար 2015 թվականին պահանջվող ներդրումներն ըստ համայնքների և Ծրագրի իրագործման համար 2015 թվականին պահանջվող ներդրումներն ըստ եռամսյակների ներկայացված են NN 1 և 2 աղյուսակներում:

**ԾՐԱԳՐԻ ԻՐԱԳՈՐԾՄԱՆ ՀԱՄԱՐ 2015 ԹՎԱԿԱՆԻՆ
ՊԱՀԱՆՋՎՈՂ ՆԵՐԴՐՈՒՄՆԵՐՆ ԸՍՏ ՀԱՄԱՅՆՔՆԵՐԻ**

(ՀՀ դրամ)

Հ/Հ	Համայնքը	Նախատեսվում է ցանքս (հեկտար)	Պահանջվող դիզվառելիքի գումարը
1	Բերդաշեն	40,7	1 282 050
2	Գիշի	26,5	834 750
3	Եմիշճան	8,0	252 000
4	Զարդանաշեն	6,2	195 300
5	Խնուշինակ	6,2	195 300
6	Կարմիր Շուկա	15,3	481 950
7	Կոլխոզաշեն	2,0	63 000
8	Ճարտար	11,2	352 800
9	Մաճկալաշեն	8,2	258 300
10	Շեխեր	17,3	544 950
11	Ջիվանի	10,2	321 300
12	Սարգսաշեն	13,5	425 250
13	Սոս	20,4	642 600
14	Սպիտակաշեն	9,0	283 500
15	Վարանդա	6,0	189 000
16	Քարահունջ	4,0	126 000
17	Քերթ	15,3	481 950
Ընդամենը		220,0	6 930 000

**ԾՐԱԳՐԻ ԻՐԱԳՈՐԾՄԱՆ ՀԱՄԱՐ 2015 ԹՎԱԿԱՆԻՆ
ՊԱՀԱՆՋՎՈՂ ՆԵՐԴՐՈՒՄՆԵՐՆ ԸՍՏ ԵՌԱՄՍՅԱԿՆԵՐԻ**

(ՀՀ դրամ)

Հ/Հ	Ներդրումների նպատակը	2015 թվական	այդ թվում՝ ըստ եռամսյակների			
			1-ին	2-րդ	3-րդ	4-րդ
1	Կերային բազմամյա խոտաբույսերի մշակություն	6 930 000		3 189 000	3 741 000	

III. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

Համապատասխան ներդրումներ կատարելու դեպքում սույն Ծրագրի իրականացումից ակնկալվում է Մարտունու շրջանի մի շարք համայնքներում գյուղատնտեսության ոլորտում կերարտադրության և անասնաբուծության զարգացման առաջընթաց, որն առաջիկա տարիներին կդրսևորվի հետևյալ արդյունքներով՝

1) դրական տեղաշարժեր կլինեն բուսաբուծության և անասնաբուծության ներճյուղային կառուցվածքում. կավելանան կերային մշակաբույսերի տարածքները, կաթի և մսի համախառն արտադրությունը.

2) կերային մշակաբույսերի մշակությունը դրական ազդեցություն կունենա գյուղատնտեսական հողատեսքերի բերրիության բարձրացման վրա: Այն, որպես ցանքաշրջանառության կարևոր օղակ, կնպաստի դաշտերի՝ մոլախոտերից մաքրմանը, հողի կառուցվածքի բարելավմանը և ազոտով հարստացմանը, կբարձրանա դրանից հետո մշակվող կուլտուրաների բերքատվությունը.

3) անասնազխաքանակի ավելացման արդյունքում կբարձրանա բնական կերահանդակների օգտագործման մակարդակը.

4) տեղական արտադրության հաշվին կբարձրանա անասնաբուծական մթերքներով ապահովվածության մակարդակը.

5) անասնաբուծական մթերքների արտադրության ծավալների ավելացումը կնպաստի վերամշակման ճյուղի զարգացմանը.

6) գյուղատնտեսության ոլորտի գործունեության արդյունքում կբարձրանա բնակչության զբաղվածության մակարդակը, կավելանան եկամուտները:

Իրականացվող ներդրումների հաշվին կկատարվի 220 հեկտար բազմամյա կերային խոտաբույսերի ցանքս՝ 2015 թվականի գարնանը և աշնանը, որից հետագա տարիներին կապահովվի միջինը 1090-1180 տոննա համախառն բերք՝ տարվա կտրվածքով. 1 տոննայի միջին արժեքը կազմում է 35 000 ՀՀ դրամ: Ստացված կերակուլտուրաների օգտագործման դեպքում ակնկալվում է ստանալ շուրջ 41 տոննա միս՝ կենդանի քաշով, որի ընդհանուր արժեքը գործող գներով կազմում է 41 000 000 ՀՀ դրամ:

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ**

Լ. ԳՐԻԳՈՐՅԱՆ